

Der sechst teil

gefürt worden byn. **D**u trost vñ er-
lösig menschlichs geschlechtz zyerd
vñ exēpel der welt. dz heyl vñ lebñ al-
ler völder. dy grōst hofnung aller ge-
leubigē. suffigkeit vñ freud der ande-
chtigē. lieb vñ begirlichkeit allerr güt-
ten menschen.

Ermanūg der iungfrowē **M**arie der
ander artikel.

Min war ich armer sund vñ din vn-
würdiger diener. ruf dich gancz geseg-
nete müter gots vnd durchlüchtigste
iūgfrowē. fürbaß in min hilf aber vñ
aber an/ vñ us ganczer begird mynes
herczē bitte ich on vndloß flissigklich.
in lob vñ zū bryß dins aller heiligistes
namēs. vñ zū heil miner armē gebrest
haster sel. **D**u wellest yn gedenck syn
aller freud vñ frolockūg. uch aller iu-
bilierūg vñ wunsamkeit. mit denē din
gemüt vñ hercz durch die gācze öster-